

REGLUGERÐ

um breytingu á reglugerð um eftirlitsnefnd með fjármálum sveitarfélaga, nr. 374/2001, með síðari breytingum.

1. gr.

Við 5. gr. reglugerðarinnar bætist ný málsgrein, svohljóðandi:

Afgreiði sveitarstjórn fjárhagsáætlun, ársreikning eða þriggja ára áætlun með halla skal hún senda eftirlitsnefnd með fjármálum sveitarfélaga greinargerð um ástæður hallans, aðgerðir til að bæta þar úr og áætlun um framtíðarhorfur í rekstri sveitarfélagsins. Greinargerðin skal fylgja fjárhagsáætlun, ársreikningi og þriggja ára áætlun sem send er félagsmálaráðuneyti, sbr. 66. og 72. gr. sveitarstjórnarlaga.

2. gr.

Reglugerð þessi, sem sett er samkvæmt heimild í 74. gr. sveitarstjórnarlaga, nr. 45/1998, með síðari breytingum, staðfestist til að öðlast þegar gildi.

Félagsmálaráðuneytinu, 29. mars 2005.

Árni Magnússon.

Guðjón Bragason.

AUGLÝSING

um staðfestingu á samkomulagi milli Villingaholtshrepps og Skeiða- og Gnúpverjahrepps um breytingu á mörkum sveitarfélaganna.

Á grundvelli 2. mgr. 3. gr. sveitarstjórnarlaga, nr. 45/1998, með síðari breytingum, hefur ráðuneytið hinn 23. mars 2005 staðfest samkomulag, sem undirritað er af sveitarstjóra Skeiða- og Gnúpverjahrepps hinn 22. febrúar 2005 og oddvita Villingaholtshrepps hinn 18. mars 2005, um færslu stjórnsýslumarka sveitarfélaganna á mörkum jarðanna Kílhrauns og Skálmholts.

Í breytingunni felst að sveitarfélagamörkin færast til norðurs inn á svæði Skeiða- og Gnúpverjahrepps þannig að hnitpunktur merktur 2001 (x420129.459 y385349.921) fellur út og mörkin liggja eftir breytinguna beint á milli hnitpunktanna 2002 (x420069.841 y385513.505) og 2000 (x420861.656 y384749.704). Breytingin er sýnd á uppdrætti frá Landformi ehf., dags. 16. nóvember 2004, í mælikvarðanum 1:2.500/10000. Staðarmörkin eru einnig sýnd með hnitum á sérblaði, sem telst hluti samkomulagsins.

Auglýsing þessi öðlast þegar gildi.

Félagsmálaráðuneytinu, 23. mars 2005.

Árni Magnússon.

Guðjón Bragason.